

陳迦陵文集

二



迦陵詞全集卷十一

宜興陳維崧其年著

涇陽李念慈屺瞻

黃岡王澤弘吳廬

選

建安鄭重山公

男履端

校

鄧州彭始搏直上

姪賜薛

謝池春慢

乙卯三月三日作

烘桃染杏春到惹思量處弱蕙試新萸嫩蝶翻綿羽林際
鶯繞滿梁畔燕將乳颺歌旗喧戲鼓三三兩兩挑薺誰家
女鴨頭搓足勾徧了城南浦半引前溪影碧上垂楊縷
半取烟汀色綠薰盈樽醕斟一斗思千古蘭亭洛水森森

波流去

鵲踏花翻

春夜聽客彈琵琶作隋唐平話

雨滴梅梢雪消蕙葉入春難得今宵暇倩他銀甲淒清鐵
撥縱橫聲聲迸碎鴛鴦瓦依稀長樂夜烏啼分明湓浦隣
船話 腕下多少孤城戰馬一時都作哀湍瀉今日黑闥
營空尉遲杯冷落葉浮清灞百年青史不勝愁兩行銀燭
空如畫

花朝行玉峯道中用蝶庵詞韻

柔浪如酥遙峯欲笑檣烏陣陣迎人話說道今日花朝此
去包山歌臺砌滿苔錢罇玉簫金管勸東風媽紅艷紫須
遲卸 頻訝往事酒邊燈下銅扉記隔鞦韆榭每到丁字

簾前群芳生日昵語何曾罷如今好箇奈何天一船花月
春江夜

健兒吹笛

十上敷煌三過代郡翩翩繡袷黃金勒曾在僕射營門塞
女如花偷譜李暮銀雁笛長城夜月一輪孤沙場戰馬千
群黑 今日鬢點霜花誰識故國何年歸始得幾徧閒尋
舊曲纔當入破又犯龜茲急邵陽城外遇鄉人一聲紅豆
春衫濕

宣清

春夜聞雁

春夜紅粧枕怪賓鴻月底哀鳴如昨惹青衫淚甚時乾引
紅闌睡何曾著記得當初楚天烟水碧湘樓閣攏玉軫和

金徽自分西風冷落 一霎年光又逢春社萬里鄉心作
憶森森蕭關茫茫沙漠故園歸歟行樂花柳江南儘讓他
鶯啼燕掠

或以鵝炙啖我飽而真詞

亦食糠覈耳只屠門大嚼差強人意笑當年哇說於陵問
何人嗜同劉毅東郭長貧左車漸脫仰天直視秋社日恰
分將紅掌鵝羣淨美 據案爬搔臨餐跳躍餽歡真佳計
似海客剗龍壯夫斫彘飄飄凌雲之氣放箸盤空借君家
籠中間戲

薄媚摘徧

偶感

舊家門閒院落有箇人兒在最玲竚偏髮髻濃蛾秀鬢無

賴輕紅架底青粉牆邊一樹睡香開玉鴉又打來斜戴
晚風大低颺茜花裙帶小做慊慊態疑有恨不勝嬌和烟
早簇上眉黛一九京玉挂向簾鈎通髮未全撩記得瀕行
送人欄外

淒涼犯

哭雲間友人金蓬山和錢蕪斂韻

秦淮水閣微茫景迥船使酒如昨笛床茗枕烟帆雨幔麝
盟粉約江濤噴薄短咏長吟間作戲呼余長鬣者燭下恣
謔譁重過酒壚縱歌譜猶存翠凋珠鏤玉京伴侶似人
間也愁離索促返蓬山果然去驂鸞跨鶴研香箋漫寫沉
吟怎睡着

星里寒柝

一星星火紅猶在更闌空館纔覺甚地勾欄那條京瓦暗
鳴膈膊牆根市角風遞到一城郭索終不然啼謁弔月或
是夜絲絡此際無衣子冷巷閒坊睡何曾着敲時和夢
似徐拋零星珠電陡觸霜威愁殺是此身寒薄暑崩騰柝
聲四起山月落

前半闕
多二字

雪獅兒

本意

雕霜捏粉作西域萬里狡狴攫拏爪距側腦平蕪猛氣驍
騰何怒奔犀駭虎更何論田間狡兔似鮑老裝成假面筵
前決賭道上兒童戲汝筭冰漸雪盡愁伊無據恰遇獅
王微笑擲花而語明駝洛下費幾許銅山纔鑄今何處一
樣荒烟細雨

戊午秋西域獻黃獅子至一時待詔集闕下者不
下百人皆作詩歌揄揚盛事崧亦填詞一首

大勾臚唱問幾日林邑船來九賓列俎異獸來庭不美雕
題碧斫軒然爪距色灑上銅盤仙露綵仗內闌裝蠻帶形
模似否却笑偏阪葛土記孫郎舊日小名同汝蠹爾黃
奴詎識真龍有主銅絲難掣軛道上降王嬰組堯堦舞赭
幄瞳矐日午

原本第二句無
問幾日三字

輓轡金井

咏閨人汲水浣花

落燈風定粉牆東梅英一點紅小景物融和愛春光恁好
鸚哥弄巧喚簾內浣花須早况有階前東風露井一泓清
曉行來碎珠自昏倚銀床百尺輕漾素綆却訝琅然觸

銅瓶聲悄多年玉導看依舊鳳蟠龍擾手撫遺釵裙扶花
影歸房微笑

法曲獻仙音

寄嚴覽民錢寶汾顧華峯三舍人

蜀肆先生漢家夫子新謁帝承明殿最喜金閨璧人聯轡
吳郡顧榮揮扇更驚聞三珠樹錢起湘靈怨人傳徧思
往日江東婉娈紅燭下挾瑟鳴箏公讌詎料鳳凰池三子
者一時妙選十里朱簾爭看煞黑頭王椽只凌雲一賦楊
意何時方薦

咏鐵馬同雲臣賦

赤兔無成烏騅不逝屈作小樓簷馬碎珮琮琤叢鈴戛琫
依稀客窗閒話更鳥雀時相觸霜欺兼雨打幾悲咤想

多年戰場猛氣矜蹴踏萬馬一時都啞流落到而今跼霜
蹄寄人籬下潦倒餘生儘閒身殊絲同挂又西風喚起仍
舊酸嘶中夜

塞翁吟

秋日過竹枝庵訪靈機上人
不遇與寒松上人茗談

出郭秋光好黃葉颯
砒霜空篠徑織石泉通漱碎玉淙淙
三生堂後名僧至乘輿杖笠過從擬問取寺門松可仍舊
如龍橋東誰延佇虎溪三笑逢舊識廬山遠公說曉起
秋山有信趣昨夜出岫閒雲仍返山中姑畱軟語飽看禪
窗瘦櫺枯楓

東風齊着力

花朝

春困初濃春愁難妥又是花朝蝦鬚半軸蛾綠不曾描記
得去年玉勒相逢在絲雨長橋鞦韆社綉旗不定畫鼓頻
敲流水淥迢迢人不見粧成知爲誰嬌穠春病酒雙臉
印紅潮欲借鴛機論恨回文字帶淚斜挑腸斷也百花生
日只是無聊

田家

綠水灣頭青山疊處有箇人家藤梢橘刺禿榦蠹槎枒爛
熲田庄風味籬穿笋砌吐鮮花誰相餉隔牆濁酒過雨新
茶溪口路三叉門半掩小橋流水栖鴉芋區鷄柵零亂
向風斜處處村簫社鼓叢祠畔絲管啞啞君休去鯊魚大
上園韭纔芽

絳都春 第一體

咏蛺蝶

誰家佛助想一縷裙花做成紅雨青草如烟淥水如羅被
陣陣東風吹向晴空舞又傍平蕪來去桃花門巷菜花天
氣輕狂無數 嬌婢畱他不住更砌畔濛濛牆頭栩栩飄
零蕩漾一春夢裡曾如許料伊也爲多情悞只愁撲蝶園
中癡憨兒女

長調

滿江紅

悵悵詞

咄汝青衫奚不去白楊荒漠歎是處病蘭不笑瘦琴空削
鄴酒紅來心久死越娘紫去懷長惡猛耳酣追憶玉箋河

驚流落 東簫展西統芍北金谷南銅雀只詞流騷艷供
伊談噓百不憐人游獵賦一生悞我靈光作向要離塚上
以呼余余曰諾

日夕此間以眼淚洗胭脂面誰復惜松螺腳短不堪君薦
幾帙罵人鸚鵡著半床詛世芙蓉譏笑欵寄俠骨縛青衫
奚其便 曷不向青河戰曷不向青樓宴問何爲潦倒青
藜筆硯老大怕逢裘馬輩顛狂合入烟花院誓從今傳粉
上鬚眉簪歌釧

腰綵唇朱渾妝就腐儒花靨堪噴飯騷腸賦骨也來帖括
兒輩不關詩酒事乃公偶墮文章劫看他年百隊屬如霞
薊州獵 緗千卷澆玄蝶螺千縛漂丹蛭也扶風歌彈陳
留花鑷梔子街前捎粉盜鳳凰橋下薰香俠更偏軍夜繞

甌山城師常捷

一畝書齋白楊樹今番滿矣想十載墨池滋味不過如此
芍藥風流可賜緋丁香年少宜衣紫問奚爲蹀躞鸛鷀橋
無聊子 簫欲哭紅水璽琴欲笑玄霜葉歎騷茵墨寶命
儕歌婢硯締半車蘭葉鬼詩斟一斛茶花髓也紅顏絕代
可憐人因誰死

白柳黃羊宛繪出傷心片幅酸切處短霜供疊古烟供讀
觴弄於君何必怒飄浮似我原堪哭聽黃陵磯畔夜深船
淒涼曲 梨園內絲憎肉田園內花欺粟更臬麻謗錦蕢
施讒菊百隊錢刀爭作橫一身風雅單爲僕倚酒悲亂擊
紫珊瑚鳴如筑

咏雪

雪灑彤墀看帝里風光不惡恰喜是銀裝絳灌瓊雕衛霍
粉椽班中年尚少玉兒宮裡腰初約更太平天子坐當中
簾垂著御溝畔爭寒雀寶鼎外山呼却喜臣心似雪朕
之良藥瑟瑟六花籠翠幄泠泠萬點敲金鑰問鵲行誰擅
郢中才從頭索

官闕

連日微陰梅花外數聲姑惡憔悴是淨持小女兒家姓霍
春夢晝寒偏易醒髻絲指冷應難約思沉沉獨自抱銀箏
人猜著釵梁燕鞋幫雀簪處顛移來却看穆平鴛瓦鋪
明紅藥沾濕怕汚郎白馬玲瓏不辨奴青鑰問何時乾鵲
噪香奩從天索

闕闕

萬里茫茫穹廬畔風狂雪惡歎當日漢家蘇武功高衛霍
迢遞南天鴻雁信淒涼北海羝羊約縱饑來朔雪亦堪吞

無衣著 傳書大啣環雀忠孝事難忘却看詩誇同澤史
譏嘗藥夢到龍樓飄瑞雪六宮夜宴黃金鑰正醒時蘆笛
起邊愁風蕭索

塞外

六出花飛側耳聽金鈴大惡正勝六撒鹽飛絮瀾漫揮霍
緇罷額黃簾四捲妝成蛾綠鈎雙約任樓頭倚遍玉闌干
難安著 歌竹子彈翎雀舊時曲都拋却悔姮娥清冷多
因偷藥燒盡深閨紅獸炭闔殘別院文鱗鑰只雪沙浙瀝
打空堦秋千索

樓中

四世三公袁高士人身不惡也不羨東朝田實西京金霍
大雪不知秦與漢平生詎習從衡約笑本初公路亦家駒
爭殘著 穿花蝶啣梅雀土銼冷高軒却縱蒲輪束帛誤
人之藥煖足那須東閣被安心自守空山鑰任門前白盡

漢江山休相索

袁宅

大獵城南此年少王家鎮惡何況是姿容比玠從奴勝霍
帶雪能騎千里馬殺人不受三章約正射鵬時候暮雲平
弓弦著 能逐兔能撥雀揮杯飲休辭却向諸君笑語此
非鳩藥旦日醉從屠狗博昨宵怒奪城門鑰看蹴鞠玉色
雪中馳難追索

馬上

舉舉師師正春病心情小惡蚤則是雪飛寶篆寒生錦霍
無力渾如儂樣性難憑恰似郎邊約倚銀篝小語罵輕狂
偏偎著 紫簾蒜膊釵雀斜復整行還却好搗殘玉杵和
他面藥睡眠初睺驚六出曲中小響倉琅鑰又平康狎客
喚銀瓶塞簾索

曲中

大雪江天笑萬里北風作惡據只向屠門大嚼磨刀霍霍